

寒岳集

共
六
十
七

~ 16
2437
11



和
號 2437
卷 17-11

寒岡先生文集卷之十

墓表

墓誌銘

贈資憲大夫吏曹判書兼知義禁府事鄭府君 贈
貞夫人星州李氏合附墓表

嗚呼是我先府君之墓卜吉于茲今五十年矣子遠始克
表焉不敢一辭安言以重不孝之罪府君諱思中字伯時
清州人在高麗有大將軍諱顛死節西京贈上將軍再世
而章敬公諱階又再世而雪谷先生諱誦是生文簡公諱
樞文簡生文愍公諱揔策勲本朝於府君為五代祖世傳
文獻颺輝海東曾祖諱沃卿司憲府執義祖諱胤曾鐵山
郡守 贈吏曹判書考諱應祥司憲府監察 贈承政院
左承旨妣瑞興金氏寒暄堂先生諱宏弼之女府君以弘



治乙丑五月二十七日生嘉靖辛亥三月十七日終明年正月二日葬于星州治西回峯山 贈貞夫人星州李氏 隱德不仕諱煥之女正德己巳二月九日生十七歲歸于府君隆慶戊辰十一月二十四日終明年五月六日府君遷厝于同州南大里蒼坪坎山之原夫人合附而同焉子速猥奉朝 命推息泉壤府君夫人累膺 寵贈嗚呼惟我府君鍾德真淳制行平恕坦率含洪不以事物經心孝友內敦信義外著士友傾慕宗姻稱道夫人貞淑溫仁婦德無虧子男三長迨 贈戶曹叅判仲崑壽出繼大匡輔國崇祿大夫西川君錄扈 聖元勳 贈領議政西川府院君季連女一適士人盧儼叅判以西川少子直長摠為後女二適持平張顯光士人成辦奎連一子樟都事三女適掌令姜縝奉事盧勝縣監洪潔曾孫男女若干人嗚呼我諸孤奉行遺體免貽羞辱莫非餘慶庇賴而不天孤露夙遭閔凶既闕敬養又無以顯揚其為罔極之痛曷有窮哉人誰無父母人誰不死而歸土人子至情惟人子體之於千百年其有過此墓而見此表者庶幾毋毀傷此兆域以全人子之至情豈非人子之至幸哉萬曆四十有六年歲次戊午三月朔庚申男嘉善大夫行龍驤衛副護軍速敬表

淑人 贈淑夫人金氏墓表後序

夫人金氏瑞興人大儒 贈右議政文敬公寒暄堂先生諱宏弼之女司憲府監察 贈承政院左承旨清州鄭氏諱應祥之妻生于成化壬寅終於嘉靖壬戌春秋

八十一四月十四日寔為屬纊之日承旨公龜次遠在長湍府臨津縣栢木谷既不得歸祔則乃卜先文敬公塋下三十步許玄風縣西松林甫老洞西北向之原以是年十二月二十一日葬焉夫人夙承家訓貞正有婦道先生擇配而十九歲歸于承旨公歸二十有一年而寡又三年而携諸孤自京省母貞敬夫人朴氏于玄風率禮材自家焉年七喪而喪冢嗣又十二年而夫人下世子男三人冢嗣思中文行謹飭士友推許用勳蔭補副司猛 贈吏曹參判仲思誠累舉不中蔭補禦侮季思敬亦禦侮孫男六人適力學未第蔭補敦勇承重夫人喪以毀而沒遂改名崐壽丙子壯元輔國崇祿大夫西川君述以薦累授奉節關東 贈及祖禰今以嘉善

出牧忠州遠進遇女六人適 贈軍資監副正盧儼禮賓寺副正兼草溪郡守郭起士人白珪朴浩孫暹郭再興曾孫男女若干人 右西川府院君所撰
嗚呼我祖妣墓表仲氏起草於壬寅之歲未及修完而以是冬下世孫述謹奉刻立所謂冢嗣即我先考累 贈吏曹判書仲即我仲父 贈左承旨孫男敦勇公即我伯氏承重夫人喪以毀而歿 贈戶曹參判我仲氏錄毫 聖元勳 贈領議政西川府院君以先人命出繼大宗蒙教之痛倍切常情凡所以為先表章之勤蓋無所不用其極云爾萬曆戊午秋七月丁亥朔孫嘉善大夫行龍驤衛副護軍述謹識

金鶴峯墓表

鶴峯先生金公士純之墓士純諱誠一系出聞韶生戊戌卒癸巳戊辰擢文科壬辰按本道其奉使日本則正直不撓而王靈遠暢受命招諭則至誠感動而控制一方忠存社稷名在竹帛早登退溪李先生之門得聞心學之要德行勲業皆足以輝映百代云萬曆己未夏寒岡鄭述題

忠順衛呂府君墓表

公諱遇昌字應時姓呂氏星州人譜所始載舉人進士良裕也考諱詠祖諱仁甫皆護軍曾祖子方縣令高祖克誨檢漢城尹五世祖渭賢典書是進士之子妣冶城宋氏縣監守謙之女冶城君吉昌之曾孫公以景恭乙亥生天資果毅曉事善斷事親左右無遺而奉養盡其誠居十五里

之遠而不廢晨昏之禮至於春秋祭饗備具必預齋沐必謹老猶不懈治家不苟臨下甚嚴雖八十有餘之後而必晨興盥櫛整襟而坐子孫非冠帶不敢見雖稚少之兒亦不敢揚袂曳履於視聽之所及也不廢觀書晚喜讀詩好善愛士良賓不絕於門嘗拜監役官以為門蔭之職非男子所為竟不仕猶為子入洛求師勸導故諸子皆以文藝顯宜人南陽洪氏父牧使顯廷祖檢政丞利用曾祖判書文良公汝方外祖僉知白川趙元壽幽嘉淑慎閭儀可則子男二希端進士希臨縣令女三適忠義鄭世恭舍人李佑通政朴憲孫男二濡沉女四申喜鄭祉郭凱李慶延其壻也外孫男女十人曾孫男八胄男胤男季男允謙允恭允忠允怒允儉允質女二歸鄭師穎郭永吉外曾孫男女

三十五人內外玄孫百有餘五代六代內外男女益繁以
衍茲豈非積厚揚遠而愈久未艾之效也耶嘉靖戊戌三
月二日公八十四而終宜人癸未七月八日先卒壽六十
五初葬星州北山公之沒也移奉合葬于同州治西今勿
法里廟坪亥坐之原石斷而未表者殆七十載矣公之外
曾孫李淳與外玄孫李增謀諸玄孫炯烜焯五世孫震生
挺生等募工而請刻之余娶於光山李氏即李舍人之外
孫女也因其狀而畧為之次第以敘焉萬曆丙午十月庚
申清州鄭逵撰而書

忠順衛顯信校尉忠武尉副司直呂公墓表

公諱况字重卿姓呂氏星州人自舉人進士諱良裕連八
代世居不遷者諱希臨奉列大夫牛峯縣令曾預己卯賢

良之薦晚擢司憲府持平有言不就妣密陽朴氏訓導琳
之女祖諱遇昌忠順衛副司直男治家有法妣宜人南陽洪
氏牧使顯廷之女曾祖諱詠護軍妣宜人冶城宋氏縣監
守謙之女嘉靖壬午縣令公宰義興縣公以六月十五日
生于衙舍公少受學於州之間人李生員光阮長熊涉獵
經史將以立揚自期及至中年遂以病廢處家居鄉息謹
小心人多稱之歲戊午州牧使盧侯慶麟創建書院於雲
谷里伊川之上公實幹董其役克底成就即今川谷也萬
曆壬辰遭島夷之變避亂奔竄艱關山谷之間甲午四月
十五日卒享年七十三公配恭人守城羅氏考景文祖異
童皆不仕曾祖守經生員妣陽川許氏郡守禮之女左議
政文貞公琛之孫生於嘉靖癸未十二月初九日年若干

而歸于呂氏卒於萬曆丁亥十月十九日享年六十五葬
於州西二十里許雲谷里于朴谷子坐午向之原公初葬
于恭人墓下庚戌十二月二十一日孫炯等奉遷合葬于
恭人之墓子男六允謙允恭允忠允恕生員允儉允質女
一適士人玄風郭永吉孫男六炯烜烜煜燦熒女二長適
七谷都世雍次適東萊鄭鉉曾孫男女若干

通訓大夫行司憲府監察 贈通政大夫承政院左
承旨兼 經筵參贊官鄭公妻淑人 贈淑夫人瑞

興金氏墓誌

我先祖考府君姓鄭氏諱應祥少有異姿端敏秀發志學
精謹從文敬公寒暄堂金先生受小學書先生愛之歸以
女焉是吾先祖妣也先生諱宏弼系出瑞典高麗正靖大

夫都僉議贊成事上將軍瑞興君天祿七世孫折衝將軍
行護軍諱紉於先生為考而義盈庫使諱小亨先生祖也
先生娶順川朴氏禦侮副司猛禮孫之女嘉善節制使柳
星之孫平陽府院君天祥之玄孫以成化壬寅九月十六
日生夫人夫人貞淑端懿早服先生家訓十九而歸于鄭
氏鄭氏西原大姓而西京宣諭使退 贈上將軍諱顛之
後考胤曾鐵山郡守 贈資憲吏曹判書清城君王考沃
卿司憲執義高王考摠 本朝開國功臣政堂文學西原
君謚文愍公祖考聘于夫人二十年而下世葬于長湍府
臨津廢縣東栢木谷下浦大王洞西向之原鄭氏素清貧
奕世衣冠一趨不遺夫人既寡家道益艱率諸孤來就母
夫人於玄風居四十年而卒于嘉靖壬戌四月十四日享

年八十有一以是年十二月日葬于玄風縣西二十里烏
舌里甫老洞文教公墓下三十步許良坐坤尚之原夫人
生三子長我先君諱思中 贈吏曹叅判次思誠 贈左
承旨李惠敬大護軍孫男适崑壽西川君 贈扈 聖功
臣領議政西川府院君遠速進女適士人盧儼副正郭起
士人白珪朴皓孫暹郭再興曾孫男女若干人玄孫男女
若干人夫人葬既四十有六年孫述大懼無以為後日之
考謹銜悲錄祭書以燔納于幽室云萬曆三十五年九
月日孫嘉善大夫行安東大都護府使述泣書

題考 贈嘉善大夫吏曹叅判無同知義禁府事鄭

府君顯妣 贈貞夫人星州李氏合祔墓誌

先府君以嘉靖辛亥三月十七日棄諸孤于時諸子幼唯

男适稍長葬府君于星州治西回峯山負乾之麓隆慶戊
辰十一月二十四日夫人下世男适則已先卒矣男崑壽
男述改卜同州南二十里許大里蒼坪坎山丁向之原以
明年五月巳酉奉府君與夫人合葬焉府君諱思中字伯
時號其所居之齋曰明信譜出清州韓山李牧隱穡為敘
家傳而曰鄭氏西原大姓者是也世系之詳可考而在麗
朝高王時手滅西京叛賊崔光秀死節于畢玄甫追贈上
將軍諱顓是於府君為十一世祖五世祖諱揔入本朝推
戴 太祖策勳一等曾祖諱沃卿司憲府執義祖諱胤曾
任鐵山郡守 贈資憲大夫吏曹判書清城君考諱應祥
任司憲府監察 贈通政大夫承政院左承旨妣瑞興金
氏文敬公寒暄堂先生諱宏弼之女府君以弘治乙丑五

月辛亥生于京都好賢坊里第府君幼而多疾長而好學
累舉不利晚聚學徒訓誨不倦天資寬曠樂易之容著於
色笑待人坦率不設畦畛與之相從人無賢不肖莫不盡
其情其相識之深則以府君為不失赤子之心聞者謂之
知言讀書通達大義雖深牘肯察寓目透徹一時之以文
學自處者咸來質問家庭孝友實有人所難及者宗黨稱
焉鄉閭慕之享年四十有七所著詩文並無傳焉仲子崑
壽元勳 扈聖進 贈三世而以出後故不及於府君少
子遠萬曆丙申觀察開東自 上命贈今職夫人星州李
氏 贈貞夫人考諱煥寬洪有德器鄉稱長者祖諱枝成
曾祖諱貞孫外祖李諱鐵墩即山花先生堅餘七世孫夫
人柔嘉淑慎年十七歸于我先君既寡處貧躬勞積勤不

墜家業遺子追師俾不迷方享年六十子男二曰迨曰崑壽
曰述女一適光州盧儼迨子男櫻直長女二適郡守張顯
光士人成辨奎崑壽子男三檄監察櫛別坐櫻出後女適
叅奉沈侯述子男樟縣監女三適生員姜縝奉事盧勝縣
監洪深櫻子男惟默檄子男三惟黠惟黠女幼櫛子
男惟勳樟子男二惟熙惟熟女幼府君嘗謂夫人曰吾諸
子其必有立身顯世者吾不及見君或見之否乎中男崑壽
筮仕果在夫人喪畢之明年人有異於府君之先見云府
君夫人葬既迫四十載而塘誌尚闕中子崑壽每欲求諸
作者而未果少子述竊念不肖之身既無以奉揚一分而
亦不得有求於人敢竊撰敘其梗槩彌泣而書之磁以燔
掩諸幽堂之側以資後世之有考嗚呼痛哉昊天罔極萬

曆丁未八月丙戌孤嘉善大夫行安東大都護府使安東
鎮兵馬僉節制使述謹誌

將仕郎李公墓誌

公諱煥字文叔姓李氏星州人在高麗高王朝明經壯元
及第克松之後曾祖諱音祖諱貞孫考諱枝成三世皆不
仕妣恭人盧氏系出長洲修義副尉彥珍之女宗簿令澄
之曾孫公以成化壬寅十二月二十三日生儀貌魁偉局
量弘深平居寡默終日油然與物無競望之知其為長者
臨事不撓確乎不可以威武屈天資孝友誠意篤厚母夫
人與王母夫人壽考高年公左右奉養恒得其歡心家庭
之間其所處之者實有人所不能與之處而闕公之私者
莫不嘆息以為難及而前後為守教於本州者見公莫不

加敬如李判書潤慶則相知特甚以為粹然任之大事而
可以堪焉者公也公享年七十有一以嘉靖壬子四月二
十四日終是年冬十二月二十二日葬于州西今巴谷山
岫丙坐壬向之原孺人李氏亦星州人而非一李云密直
司使進賢館提學山花先生堅榦八世孫曾祖厚靈山縣
監祖末丁折衝司果考鐵墩內禁衛妣清州郭氏忠順衛
紹宗之女生於成化癸卯二月二十日卒於嘉靖己酉四
月十一日享年六十七祔葬公塋為上下墳子男一忠老
女四長歸于我先君 贈吏曹叅判諱思中次適星州呂
周南次適廣州李逢慶次適礪山宋安仁三女俱無子而
孫進士仁博亦無子我先君生子三長适仲崐壽季述嗚
呼惟我外王考德器異常家有懿行天資之美實見稱鄉

閭而未及再傳宗祀遂絕至於香火之奉亦無所托天道
至此莫由究詰豈不深為可痛吾仲氏 贈領議政西川
府院君常與余憫外家之無嗣思樹傳於將來而竟亦未
果述深懼隱德善行終無所考於泉壤承負先妣格天之
孝略述梗槩書磁以贈謹納幽堂之側嗚呼怖矣萬曆丁
未九月日外孫嘉善大夫行安東大都護府事鄭述謹誌
權知訓鍊院奉事奮順副尉李公安人固城李氏合

附墓誌

公諱樹字茂卿姓李氏系出光州世居于京或星州曾祖
諱根生成均進士祖諱萃考諱漢孫皆不仕以武藝屬內
禁衛妣令入全義李氏司果長植之女主簿秀逢之孫敦
寧都正三老之曾孫以正德庚午十二月二十日生公早

孤業武嘉靖丁酉登科壬寅六月十六日暴疾卒享年三
十三是年十二月日葬于星州加利縣所也里高吞洞良
坐坤向之原夫人固城李氏門下侍中鐵城府院君文貞
公嵩七世孫議政府舍人諱佑之女嘉善長興府使秘之
孫折衝將軍 贈嘉善大夫兵曹參判嶽之曾孫忠順衛
星州呂遇昌之外孫正德辛未四月二十五日生十五兩
歸于李氏萬曆甲戌四月初八日終享年六十四是年十
月日合祔于公墓之東畔公真率愿慤中心良善未嘗有
世俗計較營為之習器局風度自出流輩方期以遠業而
不幸早歲人皆惜之夫人雖早孤而猶襲於文學世訓曉
習婦儀性又簡重莊肅使人望之自然生敬既寡而獨持
門戶者三十有餘年遣諸孤就學於諸舅氏生員熙明承

旨景明孝友詩禮為世所稱而視諸甥猶子教育成立人
曰難也子男三長弘器生員次弘量以進士薦授參奉不
赴次弘宇超六品拜鎮川縣監亦未赴女二長適士人李
忱季歸我孫男銘簾篋篋簪簪簪簪簪簪簪簪簪簪簪簪
適郭樹李重茂鄭銑河弘晉柳武龍曾孫男女若干人外
孫李天培天封鄭樟公雖早世而子孫之盛孝友之篤為
鄉里所稱焉萬曆丁未九月日女壻嘉善大夫行安東大
都護府使鄭速略敘其梗槩書磁以燔命宗孫銘奉藏于
幽堂之側云

伯氏鄭公墓誌

公諱适字汝容自彌竹坡姓鄭氏系出清州在高麗高王
朝以大將軍宣諭畢玄甫不屈立節退封上將軍諱顛十

二世孫章敬公諱璿清河君諱憤雪谷先生諱誦圓齋先
生諱樞 本朝開國元勳西原君文愍公諱摠寔於公為
十世祖九世祖八世祖七世祖六世祖也節義文章彪炳
前後既詳 國乘世有文集曾祖諱胤曾任鐵山郡守
贈吏曹判書濟城君祖諱應祥任司憲府監察 贈承政
院左承旨考諱思中文敬公寒暄堂金先生宏弼外孫也
學而不試 贈吏曹叅判妣星州李氏考諱煥寬厚有德
量蔚然為鄉里長者公以嘉靖庚寅十月二十二日生天
資敦實早服庭訓自少力學學通而不偶於時運不利於
有司鬱鬱不伸歲壬戌遭祖妣喪服父卒承重之服深慟
先君未及親服以為如有一毫未盡是負先人孝思日夜
悲踊哀毀過制越三年嘉靖甲子四月四日服未闋而終

一時相知莫不戚焉是年十二月日葬于昌寧高岩里裡
 峴之原萬曆乙巳九月日乃克遷葬于星州治南二十里
 許大里蒼坪先塋左旁坎坐丁向之原公娶昌寧曹氏大
 護軍興復之女高麗太祖德宮公主之子刑部員外郎瑞
 之後無子有二女長適郡守張顯光次適士人成辨奎又
 以仲弟西川君 贈扈聖功臣領議故西川府院君崐壽
 第三子櫻繼公後櫻子惟默維公孝友之篤出乎天稟早
 孤發憤既有以自勵又教養穉弟至誠導迪常曰吾與諸
 弟數日不見不堪鬱陶之苦汝輩其未然乎交友以信待
 物以誠臨事懇確固執不撓見人有過正色責之故朋友
 之相知者敬服不相知者嚴憚相知者小而不知知者多
 其相愛者尤小而不相愛者尤多公則獨守不移杜門讀
 書不樂與世交遊竟至不售早世吁其痛哉公改葬之三
 年丁未九月日少弟嘉善大夫行安東大都護府使述泣
 而略敘燼磁以埋于墓側云

貞夫人兖州李氏墓誌銘

貞夫人李氏生於考權知訓鍊奉事府君下世之第七月
 是嘉靖壬寅十有二月十有二日也生二十有二年而歸
 于鄭氏又四十有六年而終萬曆己酉八月二十有七日
 也越三月而以是年十有一月丁酉葬焉當初府君之喪
 也妣安人李氏從高閣投落久絕乃蘇水漿不入口不以
 人世為心且夫人之生適府君將葬之夕安人方不省性
 命胞胎乳育之節俱不近常理而夫人竟無虞人曰異也
 少多疾病長益沉綿一生長抱清羸危迫之證諸兄姊皆

康彊早歲之後獨近稀年嘗自謂非所料也夫人幼有至性孝于親友于兄于姊既嫁而移其孝于姑友于娣姑嘗語其兒曰孝養我無如我新婦我無以報焉爾可敬之沒身不衰夫人既不及事舅祭祀齋敬之誠蓋有恒婦人所以不及者姑沒而家貧無以為喪葬則盡斥其嫁時裝資不惟傾倒囊篋抑幾至破產而一毫不以介意猶恐喪禮之或缺焉與娣氏同居十有餘年敬事厚養得其歡心娣氏有兩女夫人皆撫育長成親具資以遣人不辨其子姪之有異也幼被慈母之憐飲食必擇甘旨衣服必精綺紈既為寒士之妻食必麤糲衣必布緼實有人所不堪者亦不必如是而必如是操心忍耐抑情自勵性且儉約不樂紛華歡娛燕樂之場必避而不近隣里往來之煩尤非雅意所

存也從夫在官未嘗有一誦令出其夫之不知者亦未有一事請其夫以不可為者蕭然謹守常分夫亦賴焉得有以自安其澹泊也性峻貌肅視若不可以容人者而撫摩子姪喜怒未曾形見色辭亦非有所勉焉也死之日即我祖考諱辰也親監視清酌之封以備奠獻是又屬續於是人益知平生謹饗之誠臨死而猶不懈也夫人籍貫光州七世祖曰判閣諱順曾祖諱萃祖諱漢孫俱業武內禁衛考諱樹早擢虎科確偉淳懿未及出仕安人李氏出於固城高麗侍中諱嵩之後父諱佑議政府舍人我鄭氏清州人李牧隱所謂西原大姓也上世諱顛在高麗有大功入節 贈上將軍我曾祖諱胤曾 贈吏曹判書我祖諱應祥 贈左承旨妣 贈淑夫人瑞興金氏寒暄堂先生文

敬公諱宏弼之女我先考諱思中毓德早世 贈吏曹判

書我先妣 贈貞夫人星州李氏諱煥之女子男一人擢

縣監女三人長遼察訪姜縉次適奉事盧勝次適縣監洪

潔姜盧兩女皆先沒各有一子共有二女皆幼擢之子惟

熙惟熟女一皆幼葬于星州南二十里許大里蒼坪良坐

坤向之原其西數步許夫之兄叅判公之墓又其西數步

許夫之先塋皆坎山丁向也虛夫人之歲西一畔為其夫

後日計也念我孤露之餘學既不篤老而無聞又不能自

力治家使夫人終身食貧虛名所迫浮沉世路亦未能共

夫人棲遯澗飲以全素願悼慟之中亦甚愧呀奈何乎哉

奈何乎哉略抒事蹟銘以塞悲銘曰婦人常態厭薄貧陋

歆豔勢利家法多謬斯人不然曰有命焉蔬食豆羹素性

以全資近貞淑行勸廉孝不岐不求馴飭女教於古賢婦

雖不敢並比俗驕女其不遠迥蒼坪有原加水之陽維我

先塋松茂蒼蒼其耐其安萬世之長

處士李君墓誌銘

完山李善述卒之十有三年庚戌六月四日孺人李氏終

其孤墳等將以是年十二月十九日窆考墓之東畔而合

葬哭而來請曰吾父之葬未有銘也今吾母耐於吾父惟

先生知吾父且吾父平生愛先生甚願先生賜之銘以識

吾父歲余其辭讓辨按善述寔我 太宗大王次子曰李

寧大君補六世孫也孝寧生誼城君寧誼城生西林正武

西林生森溪副正貞孫於善述為曾祖祖諱凍咸興判官

考諱希雲德侮將軍 贈戶曹叅議曾祖妣慎人順天朴

氏主簿信孫之女祖妣淑人永同金氏司勇孟謙之女妣
 洪州李氏縣監潔之女南陽洪氏進士良範之女星州李
 氏叅奉天瑞之女皆淑人 贈淑夫人叅議公三娶而俱
 無子以從父弟忠義衛思雲次子承為後即善述也忠義
 公父懷海將軍諱涿母淑人星州李氏大林之女配延日
 鄭氏生員畷之女以嘉靖壬子正月二十日生善述未及
 晬而歸後于宗善述未省事之前自不知為所生之子也
 叅議公之喪善述僅逾成童哀毀守廬有同成人人曰李
 氏幹蠱得其人也其事李夫人孝順無違及生父忠義公
 沒屢絕而蘇遂成沉痾奉喪治葬一遵古制人或以非今
 世所見疑且駭焉亦不為變蓋善述好古謹禮出乎其性
 行之斷然人不能撓也善述厚重質實惻惻無辜早從師

友聞有義理之學即撤科舉而從事焉自以貧稟之魯常
 加勉勵尤致力於朱子之書未嘗釋手雖於亂離顛沛之
 際一念猶未忘也朋友相愛向學拳拳實我游從中所未
 易見故一時仁賢之士多與之往來性癖山水耽憐寂靜
 或遇爽塏清陰輒欣然意會終日而忘倦所寓新塘溪上
 實李陶隱舊居有數椽茅亭傳以為陶隱所聞善述以外
 裔傳受而恢拓增修寓以晴暉舊號故士友間稱善述為
 晴暉堂立岳泉石最為奇勝金肅夫朴景清李剛甫約共
 幽棲而或先祖逝人事散落唯善述晚隨諸君克遂所願
 結屋溪岸蕭灑可愛謂將讀書修養以終其身忽值壬辰
 兵火善述亦未幾去世誠可慨哉善述自以 璿源後派
 世涵 化澤島夷構亂 宗社播越憂憤痛惋益倍恒人

馳驅兵馬之間殫竭精力旋遭內艱雖寢苫枕塊而為國
自效之誠耿耿不已傾財募粟以補軍餉造鑄兵器以裨
軍用卒相國元翼體察來臨嘉悅歎賞未及 上聞而善
述已不待矣是時醜寇將更肆猖獗南土不免為卉服窟
穴善述深思遠慮欲避地北渡挈眷以行而宿疾重發藥
餌食飲容裏俱失其方以萬曆戊戌三月二十九日卒于
清州寓舍明年三月二十七日返葬于星州治南所伴里
新塘先兆之側南向之原從遺命也孺人固城人高麗侍
中岳之後曾大父嘉善長興府使諱必妣幸州奇氏郡事
軸之女祖議政府舍人諱佑妣星州呂氏忠順衛遇昌之
女考承政院同副承旨諱景明妣平山申氏主簿任之女
以己酉正月二十一日生二十一而歸于李氏溫惠淑慎

奉姑氏而婦道順事夫君而家道宜教諸子諸婦而母道
得誠於祭祀厚於親鄰寡居十有餘年不失舊業克畢婚
娶為宗黨閭里所稱道蓋無愧為善述內助也子男四墳
叔壘壘俱業儒女一適士人東萊鄭錘孫男三女四外孫
男四皆幼銘曰稟之醇而德之厚質之魯而學之力視世
之所趨曾不為之介意唯朋友講習之是樂壽不迫乎永
年志不究乎所極諸子諸婦維女維壻咸莫不謹愼而修
飭此猶可以慰九泉之所望何長短悲懼之足說茲秉筆
而念舊好納銘竊而詒千億

亡子壻記

有明朝鮮國通訓大夫行全羅道都事兼春秋館記注官
鄭璋字直夫其先清州人本 朝開國功臣故堂文學文

愍公復齊先生諱惇七世孫曾祖諱應祥司憲府監察
 贈承政院左承旨祖諱思中德潛不輝 贈吏曹判書父
 述階忝嘉善職奉西衙母光州李氏權知訓練奉事諱樹
 之女祖母星州李氏慶士諱煥之女曾祖母瑞興金氏寒
 暄堂先生文敬公諱宏弼之女諱生於隆慶己巳六月壬
 午萬曆戊戌秋其仲父西川府院君諱崐壽奉使 皇朝
 辨誣得伸自 上特命官其子弟西川捨其子而請其姪
 除永庫別提歷司贍寺直長通禮院引儀司憲府監察燕
 岐縣監新寧縣監壬子秋及第出身授成均館典籍轉忠
 清道都事未赴授禮曹佐郎未幾以事罷旋拜全羅道都
 事秩未滿而病辭逾歸纔半歲而以甲寅十月戊申歿焉
 越三月十二日丁酉祔葬星州治南二十里大里蒼坪祭
 判府君墓西南坎山午向之原蓋自京都來居于星至于
 樟今三世也娶昌寧曹氏平安道都事光益之女生子男
 四真男大惟魁惟勳惟壽女二一夫一未歸其父為之誌
 嗚呼痛哉

(This page contains several vertical columns of text, but the characters are extremely faint and difficult to read. The layout consists of approximately 10 columns.)

寒岡先生文集卷之十

